

126
1. maí

42. Búðareyri í Reyðarfirði.
43. Búðir í Fáskrúðsfirði.
44. Stöðvarfjörður.
45. Breiðdalsvík.
46. Djúpvogur.
47. Höfn í Hornafirði.
48. Vík í Mýrdal.

49. Vestmannaeyjar.
50. Stokkseyri.
51. Eyrarbakki.
52. Þorlákshöfn.
53. Keflavík.
54. Hafnarfjörður.

Öll skip, sem koma til Íslands frá útlöndum og koma ætla á aðrar hafnir en ofangreindar hafnir nr. 1, 26, 31, 39 og 49, skulu á leiðinni frá útlöndum taka höfn í einhverri þessarra hafna til þess að fá þar fyrstu afgreiðslu, nema þau þurfi að leita annarra hafna í neyð, enda sannist það í sjóprófi, að um neyðarhöfn hafi verið að ræða.

Fjármálaráðuneytið, 1. maí 1941.

F. h. r.

Magnús Gíslason.

Einar Bjarnason.

127
28. júní

GJALDSKRÁ OG REGLUR

um leigukjör á talstöðvum (gerð F), sem landssíminn lætur á leigu í íslensk skip.

1. gr.

Skipseigandi eða útgerðarfélag, sem óskar að fá talstöð í íslenskt skip, sendi skriflega umsókn til póst- og símamálastjórnarinnar, sem gefur út leyfisbréf fyrir stöðina og önnur skirteini.

2. gr.

Landssíminn leggur til senditæki og viðtæki með lömpum. Eru tækin eign landsímans og leigir hann skipseiganda þau. Landssíminn annast uppsetningu tækjanna, en skipseigandi kosti loftnetsbúnað stöðvarinnar (loftnet og jarðnet), sem haga skal samkvæmt fyrirmælum landssímans, einnig kaupir hann rafgeyma og hleðslutöflu fyrir stöðina og kosti lögn frá geymunum til hleðslutöflu.

Leigutíminn er minnst 1 ár í senn. Að skemmstum leigutíma liðnum má segja leigu stöðvarinnar upp til áramóta með minnst þriggja mánaða fyrirvara.

3. gr.

Áður en leigutaki fær stöðina afhenta, skal hann tilkynna póst- og símamálastjórninni skriflega, hverjum hann felur vörzlu stöðvarinnar, enda verði sá maður að hafa fengið skirteini talstöðvarvarðar. Enginn annar en sá, sem hefur slikt skirteini, má starfrækja stöðina en þó er hún ávallt undir yfirumsjón skipstjóra.

4. gr.

Bæði talstöðvarverði og skipstjóra er skylt að undirrita þagnarheit og haga starfrækslunni í einu og öllu eftir fyrirmælum landssímans og hlýða þeim ákvæðum og reglum, sem settar eru eða settar kunna að verða. Verði misbrestur á þessu, getur póst- og símamálastjórnin afturkallað starfræksluskirteini talstöðvarinnar, lokað stöðinni eða tekið hana úr skipinu.

5. gr.

Talstöð af gerð F felur í sér:

1 lampasendi með ca. 10 watta orku og má á venjulegum tímum stilla hann á

sex mismunandi öldulengdir á öldusviðinu frá 1560—1900 krð/s (155—192 m). 127
 Sendirinn er smíðaður fyrir 12 volta rafgeymi og hefur innbyggðan spennubreyti 28. júní
 fyrir háspennuraforku sendisins. Spennubreytirinn kemur í stað háspennuraf-
 hlaðna. Með sendinum fylgir heyrntalfæri.

Í næmt superviðtæki (gerð VF) fyrir öldusvið bátatalstöðva og útvarpsstöðv-
 arinnar (TFU). Tækið hefur fast innbyggðar spólur og er skipt milli mismunandi
 öldusviða með einu handfangi. Tækið hefur innbyggðan gelli.

6. gr.

Leigutaki greiði fyrir talstöð af gerð F 200 krónur í stofngjald og 320 krónur
 í leigu á ári, sem greiðist fyrirfram og er gjalddagi 1. janúar. Stofngjald og leiga til
 næstu áramóta greiðist áður en uppsetningu er lokið.

Dó geta þeir, er þess óska, fengið annaðhvort talsendinn sér eða viðtækið sér og
 eru þá gjöldin, sem hér segir:

a. Fyrir talsendi af gerð F greiði leigutaki 120 krónur í stofngjald og 240 krónur í
 ársleigu, er greiðist fyrirfram 1. jan. ár hvert. Stofngjald og leiga til næstu ára-
 móta greiðist áður en uppsetningu er lokið.

b. Fyrir viðtæki af gerð VF greiði leigutaki 80 krónur í stofngjald og 80 krónur
 í ársleigu fyrirfram, 1. janúar ár hvert. Stofngjald og leiga til næstu áramóta
 greiðist áður en uppsetningu er lokið.

Gjaldskrá þessari getur ráðherra breytt. Lögtaksréttur er á gjöldum þessum.

Landssíminn annast viðhald vegna eðlilegs slits sendi- og viðtækja, að undan-
 skildu viðhaldi loftnets, rafgeyma, hleðslubúnaðar og endurnýjun lampa, en kostnað
 af því ber leigutaki.

7. gr.

Leigutaki er skyldur að hafa tækin váttryggð á sinn kostnað gegn hvers konar
 tjóni. Talstöð af gerð F skal váttryggð fyrir kr. 2500.00, talsendir (án viðtækis) fyrir
 kr. 1800.00, en viðtæki (án sendis) fyrir kr. 700.00, og ber leigutaka að greiða lands-
 símanum þessa upphæð, ef tækin eyðileggjast og hlutfallslega fyrir skemmdir, enda
 á landssíminn beinan rétt til váttryggingarfjárins.

8. gr.

Leigutaki er skyldur að koma tækjunum til skoðunar og eftirlits, að minnsta
 kosti einu sinni á ári til landssímans í Reykjavík. Aðgerð á skemmdum, sem að dómi
 póst- og símamálastjórnarinnar ekki teljast stafa af eðlilegu sliti, greiði leigutaki
 eigi síðar en um leið og honum eru afhent tækin aftur.

9. gr.

Talstöðvar þær, sem landssíminn lætur þannig á leigu, eru að sjálfsögðu háðar
 hinum almennu reglum, innlendum og alþjóðlegum, sem gilda um slíkar stöðvar og
 rekstur þeirra á hverjum tíma.

10. gr.

Ef settar reglur eru ekki haldnar, getur landssíminn afturkallað leyfisbréf
 stöðvarinnar, lokað stöðinni eða látið taka hana úr skipinu.

Gjaldskrá þessi og reglur eru settar samkvæmt 12. gr. laga 27. júní 1941, um
 fjarskipti.

Atvinnumálaráðherra, 28. júní 1941.

Ólafur Thors.

Guðmundur Hlíðdal.